


Málþroski barna er mál foreldra

Málþroski



MENNTAMÁLARÁÐUNEYTIÐ

Málbroksi

Litið barn lærir móðurmál sitt af því að hlusta á og tala við foreldra, systkini og aðra sem í

kringum það eru. Hluti af þessu móðurmálsuppeldi er sifelld endurtekning, barn leikur sér að hljóðum og hlustar á þá sem annast það endurtaka hljóðin. Síðan koma orðin hvert af öðru og eru endurtekin aftur og aftur. Flestir foreldrar kannast við það að hafa varið löngum tíma í að benda á nef, augu og munn, á meðan barnið er að læra hvad er hvað. Því eru kennd nöfn á fjölskyldufólkini og heiti á hlutum í umhverfinu. Barn hefur ómælda ánægju af söng, barnagælum og þulum, það hlustar jafnvel vikum saman áður en það fer að hafa eftir og reyna sjálf.

Málbroksi

Hluti af almennum broska barnsins. Með málþroska er átt við orðaforða, framburð, setningaskipan og beygingar. Barn með skertan vitsmuna-, tilfinninga-, félags- eða hreyfiþroska er oftast seint til máls eða sýnir einhver frávik í málþroska.

Hér verða talin upp nokkur atriði sem einkenna ýmis aldursskeið. Ætlunin er að þau verði til hliðsjónar fyrir upplendur en veki ekki upp áhyggjur. Töluverð frávik eru að sjálfsögðu eðlileg enda erum við öll einstaklingar og fjölbreytileikinn mikill.

Hjal


Fyrstu hljóð sem barn gefur frá sér virðast vera náttúruleg viðbrögð og hljóðin eru mynduð bæði við inn- og útöndun. Pegar barnið grætur er um að ræða stutta innöndun og langa útöndun og er hér á ferðinni undirbúningur að tali. Fyrstu vikurnar gefur það aðeins frá sér hljóð sem gefa til kynna ánægju, vellíðan, svengd eða sársauka.

■ Smátt og smátt bróast þetta út í svo kallað hjal. Barnið myndar ýmis hljóð eða hljóðasambönd sem ekki eru til í móðurmáli þess, það reynir aftur og aftur, hlustar og endurtekur og þetta verður að skemmtilegum leik hjá því. Barnið verður að fá frið til að hlusta á sina eigin rödd. Þetta er auk þess þjálfunar-tímabil fyrir talfærin, barnið æfir gómvoðva (ka-ka, ga-ga), varir (ma-ma, ba-ba) og tungu (da-da, ta-ta). Hjalið verður síðan æ meira

félagslegs eðlis, þ.e. barnið hlustar og hermir eftir.

Heyrnarskert börn hjala fyrstu vikurnar en hætta því vegna þess að þau heyra

hvorki eigin hljóð né hljóð frá umhverfinu. Hreyfi- og málþroski eru nátengd þroskastig og á hjal tímabilinu eru ómarkvissar og fálmandi hreyfingar einkennandi.



■ Rödd og svipbrigði eru mikilvæg á þessu tímabili. Barnið lærir fljótt að túlka raddblæ, það skynjar hvort hlýja, reiði eða undrun er í röddinni. Það túlkar einnig svipbrigði og bendingar löngu áður en það skilur orðin og merkingu þeirra. Barn tjáir sig eins og fullorðna fólkid með hreyfingum og svipbrigðum, það réttir út höndina þegar það vill fá eitthvað og setur upp skeifu þegar því mislíkar og þar fram eftir göfunum. Barnið lærir að sitja, skriða, standa upp og ganga. Pannig getur það rannsakað umhverfið af eigin rammleik.

Fyrstu orðin

Smátt og smátt fer barnið að skilja að sum hljóð og hljóðasambond geta haft ákveðna merkingu og að hlutirnir í umhverfinu bera nöfn. Fyrstu orðin koma oftast á tímabilinu 10-18 mánaða, við getum sagt að barnið hafi lært sitt fyrsta orð þegar það notar það ákveðið í boðskiptum við aðra þ.e. notar orðið markvisst. Á þessu aldurskeiði er orðaforðinn aðallega nafnorð

„mama“, „paba“ (og heiti hluta) en barnið notar nær eingöngu eins orðs setningar. Dæmi: mamma

getur þýtt mamma viltu taka mig, bolti, gefur þýtt, ég vil fá boltann. Síðan bætast sagnorðin við (heiti athafna) barnið fer nú að nota tveggja orða setningar. Dæmi: bangsi detta, mamma vinna.

■ Jafnframt þessu mynda sum börn hljóðarunur eins og um setningar sé að ræða, það „talar“ í löngum bunum og notar hrynjandina í málinu án bess að

mynda skiljanleg orð. Fyrstu orðin koma yfirleitt um svipað leyti og fyrstu skrefin eru tekin.

Tveggja ára barn

Um tveggja til tveggja og hálfs árs aldur fer barnið að nota orð í samskiptum og sprýr mikið um hluti í kringum sig. Orðaforði vex hratt og það notar ég um sjálfst sig og fer að nota forsetningar, fleirtölumyndir orðanna eru að byrja að koma og það notar hvað mikið í samskiptum sínum við aðra.

■ Málið er nú orðið nokkuð góður boðskiptamiðill og barnið getur gefið til kynna óskir og þarfir, einnig sagt frá einföldum atburðum. Barnið hlustar mikið á mál hinna fullorðnu og hermir eftir því. Peir sem umgangast barnið þurfa því oft að endurtaka orð og setningar fyrir það, oft um það sem vísar til aðstæðna hér og nú.



■ Á þessum aldri eru klunnalegar hreyfingar einkennandi og jafnframt stuttar setningar.

Priggja ára barn

Enn vex orðaforði hratt og um þriggja ára aldur fer barnið að geta nýtt sér försetningar svo sem *i, undir, bak við og lærir einnig kyn orðanna*. Það lærir talnarunur og skilur talnahugtökin 1, 2, 3, og á þessu tímabili lærir það líka litina rauður, gulur, grænn og blár, einnig getur það sagt til um nafn, kyn og aldur sé það spurt.

■ Barnið notar persónuformöfn og fleirtölumyndir nokkuð rétt. Það getur haldið uppi einföldum samræðum og lýst í stuttu máli því sem það er að gera. Það sprýr margra spurninga sem hefjast á orðunum **hvar, hver, hvað**. Setningaskipan og beygingar eru að þróast og barnið fær meiri tilfinningu fyrir málinu. Á þessum aldri hafa börn mjög gaman af að lesið sé fyrir þau, einnig eru vísur, þulur og söngvar vinsælt efni.

■ Líkamsjafnvægi er gott, barnið gengur, hleypur, hijólar á þríhjóli, gripur bolta með útréttum örmum og klifrar.

Fínhreyfingar handa eru fremur grófar, það klippir, þræðir stórar perlur á reim, raðar

kubbum í turna, flettir bókum hratt og teiknar hringi. Sum börn teikna höfuðfætlur (búk með andliti og ótal mörgum örnum).

■ Mörg börn á þessum aldri byrja að stama eða hjakka á sama orðinu einkum í byrjun setningar. Þetta er svokallað „smábarnastam“. Það er eðlilegt því að barnið ræður ekki fullkomlega við myndun setningar sökum ákafa við að tjá sig. Foreldrar þurfa að gefa barninu tíma og hlusta á hvað það hefur að segja en ekki hvernig.



Fjögra ára barn

Enn eykst orðaforðinn og spurningum rignir í tíma og ótíma. Barnið sprýr oft um hluti og atburði sem það veit mæta vel um, ef til vill til að fá staðfestingu á hugmyndum sínum eða til að heyra þær af vörum hinna fullorðnu. Barnið hefur mikla ánægju af mállegum samskiptum bæði við fullorðna og jafnaldra, það býr til orð og finnur rímorð, lærir ljót orð og bull og skemmtir sér konunglega. Það notar mikið „**af hverju**“. Nauðsynlegt er að fullorðnir sinni barninu á spurnartímabilinu jafnvel þó ljóst sé að það viti svarið.

■ Mörg börn hafa gaman af ævintýrum og eiga þá ekki alltaf auðvelt með að gera greinarmun á veruleika og hinu ímyndaða. Pau fara í hlutverkaleiki og líkja þá eftir hinum fullorðnu í boðskiptum sínum.



Hvað geta foreldrar gert?

■ Grófhreyfingar barnsins eru orðnar liprar, það hoppar mikið og reynir að hoppa á öðrum fæti. Það gripur bolta með báðum höndum við brjóstið. Fínhreyfingar handa eru markvissari en ádur og samhæfing augna og handa er nokkuð hnittmiðuð. Það raðar auðveldlega litlum kubbum, klippir eftir striki, teiknar myndir og getur útskýrt hvað er að gerast á myndunum.

Fimm ára barn

Við fimm ára aldur
eykst orðafordinn
ekki eins

hratt og ádur.

Barnið verður
fullorðinslegra og
orðaflaumurinn
verður minni.

Setningarnar
eru nú orðnar
flóknari og barnið
ræður nokkuð vel við

málfraðileg atriði. Framburðurinn er yfirleitt
orðinn eðlilegur með smávægilegum undan-
tekningum þó. Málleg samskipti við barnið eru
auðveld og það fylgist vel með frásögn og
útskýringum. Málið er orðið miðill fyrir það til að
skynja og skilja umhverfið og það á auðveldara
með að leysa flókin viðfangsefni.

■ Likamshreyfing-
ar eru fjaðurmagnaðar og finhreyfingar handa
nákvæmar og mörg börn hafa unun af að fást við
verkefni af ýmsu tagi sem krefjast nákvæmni í
höndum.



Besta og greiðasta leiðin til málörvunar er að
tala við barnið og lesa fyrir það.

■ Lesið fyrir
barnið og ræðið um efni bókarinnar. Fáið það
einnig til að „lesa“ eða rekja efni bókarinnar
með hjálp myndanna.
Að syngja og fara með þulur veitir börnum mikla
ánægju og er góð málörvun.

■ Talið við barnið
um það sem er tengt því sjálfu og nánasta
umhverfi þess, t.d. nafn þess, nöfn á foreldrum og
systkinum, afmælisdaga og aldur, heiti líkams-
hluta og heimilisfang. Ræðið við barnið um
dagana, veðrið, árstíðirnar og um litina, einföld
form, stærðarhugtök, tölur, talnaraðir o.fl.

■ Forsenda þess
að barn læri er að leika og tala við það. Leikurinn
er notaður til að ná athygli og vekja áhuga um
leið og leikþörfinni er mætt.

Hugmyndir að leikjum og samtölum: Barnið lærir
liti af að para þá saman. Dæmi: „Þú ert i rauðum
sokkum og ég er í rauðri peysu“ eða „Finndu
eitthvað sem er alveg eins á litinn“. Vísur og
þulur um litina er að finna í vísabókum.

■ Barnið lærir
nokkuð fljótt ýmis andheiti svo sem stór-lítill en
það þarf að auka við kunnáttu sína og læra
hugtök eins og stærstur-minnstur, stuttur-langur,
breiður-mjór.

Dæmi: Þegar barnið leikur sér að kubbum og
„dýrum“ er hægt að nota áðurnefnd hugtök.
Ætlar þú að hafa stærsta kubbinn, ég ætla að

hafa þann minnsta" og „Minn hestur stekkur svo langt".



■ Til að barnið skilji hugtök eins og fyrir framan, aftan, bak við, við hliðina á, undir, kringum o.s.frv. þarf

það að æfa sig í leik og í daglegu lífi.
Dæmi: „Boltinn er á bak við sófann“ eða „við hliðina á sófanum“. Í dýraleik er hægt að æfa, „Kýrin mín er fyrir framan en þinn kálfur er fyrir aftan“ eða „mínar kindur eru allar fyrir utan girðinguna“.

■ Barnið lærir heiti líkamshluta á þann hátt að fullorðnir nefna og tala um þá þegar barnið er klætt í eða úr. Talið um fótinn, hnéð, lærið, hælinn, ilina og ristina, einnig um aðra líkamshluta eins og handlegg, öxl, hönd, ólnboga, lófa og handarbak. Pulur um fingurna eru góðar.

■ Barnið lærir smám saman talnarunur 1-2-3-4 o.s.frv. Siðan lærir það talnagildi.

Dæmi: Pað er góður leikur að telja fingurna og tærnar. Kubbar og aðrir hlutir úr leikfangasafninu eru góðir í talnaleikjum, t.d. að finna jafnmarga. Barnið parar saman fjölda og lærir jafnmikið, meira eða minna.

■ Barn áttar sig nokkuð fljótt á yfirhugtökum í málínu ef þau eru notuð af fullorðna fólkini sem annast það.

Dæmi: Föt er yfirhugtak yfir peysu, buxur, húfu o.fl.

Ávextir er yfirhugtak fyrir epli, appelsínu, banana o.fl.

Dýr fyrir, hund, kött, svín o.fl. Húsgögn fyrir, stól, borð, sófa o.fl.

■ Á mörgum heimilum eru til ýmis spil og röðunarleikföng. Einföld bingóspil eru heppileg fyrir yngri börnir því að í þeim er oft mikil um endurtekningar á heitum hluta og þau æfast í að para saman myndir. Fyrir eldri börnini eru spil með margbreytilegum myndum heppileg, þau æfast í að mynda langar setningar þegar þau þurfa að lýsa því sem er á myndinni eða biðja um ákveðna mynd.

■ Börn í borg og bæjum hafa sjaldan færi á að umgangast dýr og afkvæmi þeirra. Því er nauðsynlegt að kenna þeim heiti dýra og einkenni þeirra af myndum og með leikföngum.

Dæmi: Köttur – kettlingur. Kötturinn mjálmrar og malar, hanin lepur mjólk.

Kýrin – kálfurinn baular og kýrin gefur okkur mjólk.

Hesturinn – folaldið hneggjar og hesturinn er með tagl, kýrin er með hala og kindin er með dindil. Visurnar um húsdýrin, „Við skulum syngja um kýrnar sem baula oft í kór“ eru skemmtilegar.

■ Hér hefur verið nefnt ýmislegt sem hægt er að gera til að öryva málþroska barna en mikilvægt er að hlusta á barn tala og endurtaka rétt það sem það ef til vill segir rangt.

■ Hafið hugfast að öll málleg samskipti við barn auka mál-skilning og málþjáningu og efla vitsmuna-, tilfinninga- og félagsþroska sem barnið býr að alla ævi.